

AWIG-AWIG DESA PARRAMAN TORJITWA

•
•
•
•••
•••
•••
•••
•••
•••
•••
•
•
•

Atas

TIM PENYUSUN AWIG-AWIG
DESA PARRAMAN TORJITWA
2016

MURDHA WAKYA

Om Swastyastu,

Purwa pangasungkaran tityang krama Desa Pakraman Tohjiwa, ring buk padhan Ida Sang Hyang Widhi, maka sangkan paraning dumadi, Bhatara-Bhatari sane malingga ring Pura Kahyangan Tiga Desa Pakraman Tohjiwa, minakadi Pura Kahyangan sami sane wenten ring wawidangan Desa Pakraman Tohjiwa, dwaning malarapan saking Kertha Wara Nugrahan Ida, Awig-Awig puniki kasidan puput.

Kaping kalih atur pangayubagian tityang krama Desa Pakraman Tohjiwa, pinih ajeng ring Ida dane para Panglingsir, para Pamangku, Prajuru, Keliang, minakadi sang maraga cestakara, widagda, pradnyan, wicaksana, sareng sami sane sampun sangkaning sweca ledang sareng mapwangun ngripta uger-uger marupa Awig-Awig Desa Pakraman Tohjiwa puniki, pacang keanggen sepat siku-siku sajeroning desa, kantos kapungkur wekas.

Taler ring Majelis Desa Pakraman Kecamatan Sidemen, Pemerintah Kabupaten Karangasem, para Manggala sane mastika ngiwang patutang Awig-Awig, tityang ngaturang pangayubagya, dwaning sampun kasidan nureksa, maritetes saha mastika kantos marupa puput.

Mungguing daging ipun, manut Tri Hita Karana inggih punika indik Kahyangan, Linggih sthanan Ida Sang Hyang Widhi lan Bhatara-Bhatari, indik Pawongan krama Desa Pakraman Tohjiwa lan indik Palemahan pinaka wawidangan desa. Awig-Awig puniki mebantang antuk lekita sastra Agama Hindu, sesana, pesuara, dresta minakadi sane siosan sane manut tur patut ring pemargin Dharma Agama kalih Dharma Negara.

Dumogi kasidan ngemangguhang kejagadhitan sekala lan niskala.

Om Shantih, Shantih, Shantih, Om.

BANTANG DAGING AWIG-AWIG

MURDHA WAKYA	i
BANTANG DAGING AWIG-AWIG	ii
PRATHAMAS SARGAH ARAN LAN WAWIDANGAN DESA	1
DWITYAS SARGAH PIKUKUH LAN PATITIS TATUJON	1
TRITYAS SARGAH SUKERTA TATA PAKRAMAN	2
Palet 1. Indik Krama	2
Palet 2. Indik Kertha Desa lan Prajuru Desa	4
Palet 3. Indik Sangkepan miwah Paruman	6
Palet 4. Indik Kulkul	8
Palet 5. Indik Padruwen Desa	9
Palet 6. Indik Laluputan	9
Palet 7. Indik Dedosan Patedunan	10
Palet 8. Indik Baya	10
Palet 9. Indik Panyanggran Karya	11
CATURTAS SARGAH SUKERTA TATA PALEMAHAN.....	11
Palet 1. Indik Tegal, Bangket lan Karang	11
Palet 2. Indik Kakayonan	13
Palet 3. Indik Wawangunan	14
Palet 4. Indik Wawalungan	15
PANCAMAS SARGAH SUKERTA TATA AGAMA	16
Palet 1. Indik Dewa Yadnya	16
Kaping 1. Indik Kahyangan	16
Kaping 2. Indik Pangaci-aci	17
Kaping 3. Indik Pamangku	19
Kaping 4. Indik Sukertan Pura Kahyangan	20
Kaping 5. Indik Cuntaka miwah Sosot	22
Palet 2. Indik Rsi Yadnya.....	24
Palet 3. Indik Pitra Yadnya	25
Palet 4. Indik Manusa Yadnya	28
Palet 5. Indik Bhuta Yadnya	28

SAD SARGAH	29
SUKERTA TATA PAWONGAN	29
Palet 1. Indik Rangkat	30
Palet 2. Indik Nyapihan	30
Palet 3. Indik Balu	31
Palet 4. Indik Santana	31
Palet 5. Indik Warisan	31
 SAPTHAMAS SARGAH	 32
WICARA LAN PAMIDANDHA	32
Palet 1. Indik Wicara	32
Palet 2. Indik Pamidandha	32
 ASTAMAS SARGAH	 33
NGUWAH NGUWUHIN AWIG-AWIG	33
 NAWAMAS SARGAH	 34
PAMUPUT	34

**PRATHAMAS SARGAH
ARAN LAN WAWIDANGAN DESA**

Pawos 1

- (1) Desa puniki mewasta Desa Pakraman Tohjiwa, selantur ipu kinucap lan kasuratang sejeroning lekita Desa Pakraman Tohjiwa.
- (2) Wawidangan Desa Pakraman Tohjiwa mewates nyatur desa sekadi ring sor puniki :
 - ha. tepi siring kangin : Tukad Bayung lan penepi kauh wewidangan Desa Pakraman Lebu;
 - na. tepi siring kelod : Tukad Unda lan penepi kaler wawidangan Desa Pakraman Paksewali;
 - ca. tepi siring kauh : Tukad Unda lan penepi kangin wawidangan Desa Pakraman Akah;
 - ra. tepi siring kaler : Penepi kelod wawidangan Desa Pakraman Sukahat.
- (3) Desa Pakraman Tohjiwa kesanggra antuk limang Banjar Pakraman sane kedadosang tigang Tempek Iwire:
 - ha. Banjar Pakraman Tohjiwa Kaler lan Banjar Pakraman Tohjiwa Kelod dados Tempek Tohjiwa;
 - na. Banjar Pakraman Cegeng Kaler lan Banjar Pakraman Cegeng Kelod dados Tempek Cegeng;
 - ca. Banjar Pakraman Temaga dados Tempek Temaga.

**DWITYAS SARGAH
PIKUKUH LAN PATITIS TATUJON**

Pawos-2

Maka pikukuh Desa Pakraman Tohjiwa ngerajegang, mikukuhin kalih matindihin pisan:

- ha. Pancasila;
- na. Undang-Undang Dasar 1945; lan
- ca. Tri Hita Karana.

Pawos 3

Desa Pakraman Tohjiwa ngamanggehang patitis tatujon Iwir ipun:

- ha. Ngutamayang tata cara maagama Hindu;
- na. Ngewangunang ketreptyan sajroning Desa Pakraman mangda sida rajeg katreptyaning praja;
- ca. Ngawerdhiang kawicaksanaan minakadi kepradnyanan makalarapan gumawe landuhing praja;
- ra. Ngamanggehang kalih ngawerdhiang padruen desa, mejalaran kewicaksanaan guna laksana manut Dharma Prawerti;
- ka. Ngerajegang Dharma Agama miwah Dharma Negara.

- 3) Sang sapa sira ugi jenek magenah ring wawengkon Desa, sane tan magama Hindu kasinanggeh tamyu, tan sareng sapalikramaning Agama Hindu;
- 4) Sang sapa sira ugi magenah ring sajeroning Desa kirangan ring satus lima dina taler kasinanggeh tamyu, sang ngraksa patut matur supeksa ring Prajuru Desa, miwah ring sang Amawa Rat. Yan tan asapunika, Prajuru Desa wenang nundung tamyu inucap.

Pawos 5

Ngawit tedun makrama Desa inggih punika :

- ha. Sang sapa sira ugi sane mawed saking Desa sampun bulangkep, katerag antuk banjar sasampun 35 utawi pasasur dina saking pabyakaonannya;
- na. Sang sapa sira ugi mawed saking Desa, matinggal ka dura desa, wastu malih mawali ka Desa :
 - 1) Yan sangkaning rahayu patinggale nguni utawi magenah ring liwaring bali, wenang mipil ring banjar pakraman sinalih tunggil, nganutin sukertan banjar punika;
 - 2) Yan sangkaning tan rahayu patinggale nguni, yogya keliang banjare sane katuju ngatengahang ka desa mangda kabawosin antuk prajuru desa. Yan katinutin tatepasan prajuru desa punika tur naur pamogpog gung artha mapangarga beras 300 kilogram, saha kacihnayang antuk maguru piduka ring Pura Puseh, prasida kalugra mawali pinaka karma Desa;
 - 3) Yening wenten prati sentana sane matinggal tan rahayu sampun bulangkep, mawali makrama Desa, keni pamogpog gung artha mapangarga beras 100 kilogram tur maguru piduka ring Pura Puseh, prasida kalugra mawali pinaka krama Desa.

Pawos 6

Usan makrama Desa malarapan antuk :

- ha. seda;
- na. pinunas ngaraga, saha polih palugrahan Prajuru desa ring paruman desa;
- ca. tedah utawi tilar saking magama Hindu;
- ra. kasepekang utawi kaheladang antuk Desa.

Pawos 7

Swadharmaning krama Desa :

- ha. Krama desa yogya satinut ring daging Awig-Awig lan pararem desa;
- na. Krama ngarep yogya keni paayah-ayah saurah-arih, mataturun cumek, nyanggra saraja karyan desa manut ungguhan soang-soang;

- ca. Krama Sasabu yoga keni sasabuan ngawarsa sanunggil ngusaba ring Pura Puseh gung artha manut pararem;
- ra. Krama sorpa, krama nyada, miwah krama balu tan keni papeson, nanging yoga ngaremba saraja karyan desa manut pabuat sane kapucukin antuk krama ngarep, kaunadikayang antuk prajuru desa;
- ka. Krama ring dura desa yoga naur pamogpog gung artha mapengargan beras 10 kilogram ngawarsa sanunggil ngusaba ring Pura Puseh miwah paturunan cumek;
- da. Krama tamyu miwah tamyu keni pamahayu desa sanunggil ngawarsa gung artha manut pararem;

Pawos 8

Phalapeksaning krama desa inggih punika :

- ha. Krama desa samian, yoga polih pasayuban wiyadin pangooban saking desa, saluiring wyawaharanya yoga kabaosang antuk Prajuru Desa, manut tata titining wyawahara;
- na. Krama desa samian wenang ngalaksanayang Panca Yadnya sajeroning Desa manut dresta miwah sastra agama;
- ca. Krama desa ngarep wenang polih bebagian layuban aci-aci saluiripun, twas-twasan, miwah siosan manut panglokikan Prajuru Desa;
- ra. Krama desa dados nyaiuk, mapwangkid utawi nenten tedun maayahan yening sampun polih palugrahan Prajuru Desa.

Palet 2

Indik Kertha Desa lan Prajuru Desa

Pawos 9

- (1) Desa kahemong antuk Kertha Desa lwire :
 - ha. pingajeng saking Jero Ageng Tohjiwa;
 - na. pamangku desa;
 - ca. prajuru desa.
- (2) Desa kaenter antuk prajuru desa lwire :
 - ha. Bendesa utawi keliang Desa;
 - na. Patajuh Bhaga Parhyangan;
 - ca. Patajuh Bhaga Pawongan;
 - ra. Patajuh Bhaga Palemahan;
 - ka. Penyarikan utawi juru surat;
 - da. Juru Raksa; lan
 - ta. Pangliman desa inggih punika keliang tempek sowang-sowang kalih diri.

Pawos 10

- (1) Sane wenang kaadegang wiyadin kamanggehang dados prajuru desa inggih punika :
- ha. krama ngarep wed sane makrama desa, matata turun saurah arih ring Desa;
 - na. krama nyada wed sane kasundul sadurung mayusa 70 warsa;
 - ca. tan cedangga sane kabakta saking wawu embas;
 - ra. sane wikan mamawos lan nyurat aksara bali utawi aksara latin; lan
 - ka. sane mabukti tan naenin malaksana corah.
- (2) Pidabdab ngadegang Prajuru Desa :
- ha. Paruman Desa patut ngadegang prawartaka sane pacang yogya midabdabin ngadegang prajuru desa;
 - na. Prawartaka ngawentenang saseliran, matujuhang sane pacang kaadegang dados Bendesa utawi Keliang desa. Yening kantos lintangan ring adiri sane kaaturang antuk prawartaka ring paruman desa, yogya pinilihan, sane akehan yogya turut;
 - ca. krama desa sane kaadegang pinaka prawartaka tan dados kasudi pinaka babakalan Bendesa utawi Keliang Desa;
 - ra. mungguing ngadegang patajuh, penyarikan utawi juru surat, juru raksa, punika wantah kasudi antuk Bendesa sane sampun kaadegang;
 - ka. sang kaadegang dados Prajuru Desa, patut ngamargiang upasaksi, majaya-jaya ring Pura Puseh sane kaprebeanin antuk desa tur kasaksiang olih krama Desa sami;
 - da. lamine dados prajuru desa wantah limang warsa saking dina pawintenane, sajaba kapadgatakalaan;
 - ta. yan sang sampun naen madeg pinaka prajuru desa, wenang kasudi malih sajroning paruman desa;
 - sa. sang sapa sira ugi krama desa piwal kalaning kasudi antuk paruman desa, wenang katiwakin panglokika. Yan tan manut paksanya, yogya kabawosan antuk paruman desa. Yan jati tuhu paksanya, paruman desa wenang nyudi sane siwosan.

Pawos 11

Swadharmaning Prajuru Desa inggih punika :

- ha. midabdabin desa, krama desa, sajroning ngupadi kajagadhitan sekala niskala, maka darsana awig-awig desa, pararem desa, nganutin sastra Agama Hindu minakadi uger-uger negara;
- na. ngarencana saluiring utsahan desa, sane nyandang pacang wangunang, sane patut hayum manut lokika, sane mabuat mangda kasidan polih palugrahan Guru Wisesa;
- ca. mamawosin saluiring wicara sane wetu sajroning Desa, niwakang tatimbang utawi pamutus bawos sane yogya kaputusan sajroning Desa. Yan tan kasidan kabawosin ring Desa, prajuru desa mituduhang mangda ngaturang ring Guru Wisesa;

- ra. mratyaksa, nulingayang saparipolah keliang banjar pakraman utawi papatusan, keliang subak, keliang tempek, pamangku kahyangan desa, pamangku catur lawa miwah pamangku siwosan, sane wenten ring wawidangan Desa;
- ka. midabdabin pamargin aci-aci ring wawidangan Desa, taler nulingayang krama desa indik ngalaksanayang upacara panca yadnya;
- da. wenang nyanggra saluiring pituduh minakadi saraja karya saking guru wisesa, sane yoga katiwak ring Desa;
- ta. pinaka duta, pacang matemuang babawos ring sang sapa sira ugi, yan pandidikan punika kapineh nyandang pacang marginin;
- sa. wenang ngadegang, ngamanggehang utawi ngentosin prawartaka, langlang desa sane kawastanin pacalang, lan sane siwosan sane kabuatang antuk desa; lan
- wa. nyanggra saraja karya ritatkala karya agung ring Pura Besakih sane pacang rawuh ke Desa.

Pawos 12

Phalapeksaning Prajuru Desa inggih punika :

- ha. Luput saluiring papeson;
- na. Polih pituas manut dresta; lan
- ca. Polih olih-olihan sane siosan manut pararem.

Pawos 13

Prajuru Desa kagentosin utawi usan malarapan antuk:

- ha. Seda;
- na. Tutug sengkér pangadegannya;
- ca. Mapinunas sangkaning rahayu, saha polih lugraha saking paruman desa;
- ra. Mabukti sungkan rahat; lan
- ka. Kausanang antuk paruman desa.

Palet 3

Indik Sangkepan miwah Paruman

Pawos 14

- (1) Mungguing sangkepan miwah paruman Desa kamargiang sakadi ring sor puniki :
 - ha. Sangkepan prajuru Desa kawentenang nyabran ngasasih satunggil raina Redite Kliwon;
 - na. Sangkepan prajuru Desa, sane kamiletin antuk prajuru Desa lan kertha Desa kawentenang manut pabuat;
 - ca. Paruman Desa kawentenang manut pabuat malarapan antuk arah-arah lan suaran kulkul; lan

ra. Saluiring pamutus paruman Desa sane sampun kasungkemin, kamanggehang pinaka pararem Desa.

- (2) Sangkepan Banjar, Pamaksan Pura, Sekaa Subak, miwah sekaa-sekaa sane siosan kawentenang manut awig-awignya sowang-sowang, nanging ugi mangda tan sinarengan ring Paruman Desa.

Pawos 15

- (1) Tata kramaning Sangkepan miwah Paruman Desa, inggih punika :
- ha. Sangkepan miwah Paruman patut kariinin antuk suaran kulikul;
 - na. Krama sane jaga nyarengin sangkepan miwah paruman mangda ugi mabusana adat, yan mamurug keni dandha gung artha mapangarga akilogram beras;
 - ca. Tan kapatutang makta saluiring gegaman sane tan wenten wigunan ipun sajroning sangkepan miwah paruman, yan mamurug keni dandha gung artha mapangarga satus kilogram beras;
 - ra. Sangkepan miwah Paruman kakawitin antuk ngarcana Ida Bhagawan Penyarikan masadhana antuk arana banten manut dresta;
 - ka. Tan kapatutang mabawos pesak, sigug, bangras sajroning sangkepan miwah paruman, yan mamurug keni dandha gung artha mapangarga satak kilogram beras;
 - da. Pamutus babawos kaptiang mangda wetu sangkaning kayun paras paros, sagilik saguluk. Prade tan prasida, wenang ngangge pamutus malarapan antuk pawilangan pabryukan pamatut; lan
 - ta. Prade pacang ngamanggehang pamutus antuk pabryukan pamatut asing akehan wenang turut manut panglokika.
- (2) Babawosan sajroning sangkepan miwah paruman Desa ugi ngupadi karahayuan jagat, minakadi ngarajegang kamuruban Ida Sang Hyang Widhi Wasa malarapan bawa laksana manut dresta.
- (3) Tan kalugra neuman-uman wak - capala minakadi saluiring pratingkah sane ngawinang byuta sajroning sangkepan miwah paruman. Yan wenten mamurug keni pamidandha manut pararem, yan mamurug keni dandha gung artha mapangarga satak kilogram beras.
- (4) Saluiring pamutus sangkepan miwah paruman yogya kalekitayang miwah kalaksanayang manut anggeran ipun.
- (5) Sangkepan miwah paruman punika kabawos puput yan pamutus babawose sampun kadamyakang saha sampun mabacak.

Palet 4
Indik Kulkul

Pawos 16

- 1) Babacakan kulkul sane wenten ring Desa lwire :
ha. Kulkul Desa;
na. Kulkul Pura;
ca. Kulkul Banjar; miwah
ra. Kulkul Sekaa.
- 2) Mungguing suaran kulkul punika mangda mabina-binaan, sawiji sowang manut sor singgih. Yan wenten suaran kulkul sane patch utawi sawer, mangda kapastika salah sawiji antuk sang madruwe.
- 3) Nepek kulkul manut tri brata sandi teges ipun :
ha. Dharma inggih punika suaran kulkul makacihna tatenger upacara Agama wiyadin Yadnya;
na. Sima inggih punika suaran kulkul makecihna tatenger panca baya;
ca. Laksana inggih punika suaran kulkul makacihna tatenger patedunan.
- 4) Indik tatepekan kulkul manut pasubaya, kuna dresta minakadi pasuaran desa.
- 5) Tabuh tatepekan kulkul lwire :
ha. Kalih tuludan banban, cihnanya tedun sangkep, parum utawi makarya;
na. Aklentungan, cihna dadauhan ngaturang banten ring kulkul inucap;
ca. Kalih tuludan bulus, cihna wenten kapanca baya;
ra. Tigang tuludan bulus, cihna wenten yuda utawi kabaya pati siosan;
ka. Suaran kulkul banban atuludan, cihna baya punika sampun nahnah.
- 6) Ungguhan nepek kulkul :
ha. Yan nepek kulkul tatenger patedunan, hugi kulkul sane kadruwe antuk krama pacang tedun katepek olih sang patut ngulkulang;
na. Yan nepek kulkul tatenger panca baya, wenang saungguhan-ungguhan asing nampek genahe, asing riinan manggihin baya wenang nepek kulkul punika, riwus nepek kulkul, patut manggeh magenah ring bale kulkul punika kantos wenten krama siosan rauh sanistanya kalih diri nyaksiang tatujon panepekane, raris nyadokang ring prajuru;
ca. Yan nepek kulkul Upacara Panca Yadnya, wenang nepek kulkul sane wenten ring soang-soang genah upacarane;

- ra. Ritatkala ngalungayang Bhatara, mendak Bhatara, Bhatara turun kabeh utawi Pacaruan desa, sami kulkul sajroning desa dados tepek, antuk tatepekan manut dresta.
- (7) Sang sapa sira hugi nepek kulkul tan manut ungguhan, yogya kabawosan antuk prajuru desa, katiwakan panglokika saha pamidandha gung artha sapangangan beras satus kilogram miwah mrayascita kulkul punika.

Palet 5
Indik Padruwen Desa

Pawos 17

Sane kadruwe antuk Desa lwire :

- ha. Kahyangan Desa inggih punika Pura Puseh, Pura Bale Agung, Pura Dalem Setra Agung, Pura Tanggun Desa, Pura Dalem Pendem, Pura Dalem Penarukan, Pura Ulun Suwi, Prajapati Pangulun Setra, Palinggih ring Tulak Tanggul, Palinggih Ida Bhatara Melanting lan Palinggih Bedugul;
- na. Gedong Panyimpenan Ida Bhatara Dalem;
- ca. bangket pelaba pura manut lekita;
- ra. setra, margi, rurung, telabah miwah beji sawawengkon desa;
- ka. tulak tanggul genah tawur kesanga;
- da. Lembaga Perkreditan Desa;
- ta. Sahananing wantuan saking Guru Wisesa miwah aturan saking krama majeng ring Desa Pakraman melarapan sangkaning rahayu manut lekita.

Pawos 18

Piolihi-olihi Desa lwire :

- ha. upon-upon saking palaba Pura;
- na. aturan dana punia;
- ca. urunan, penaub, papeson, pakeni-kenian pakaryan krama desa;
- ra. saking Lembaga Perkreditan Desa;
- ka. saking usaha desa miwah piolihi siosan saking patut lan rahayu.

Palet 6
Indik Laluputan

Pawos 19

- (1) Luput mapiteges nenten keni urunan, papeson lan sahanan wawijilan.
- (2) Krama Desa sane luput inggih punika :
ha. Prajuru desa;

- na. Pemangku desa;
- ca. Sang sapa sira ugi sane kapineh antuk Desa patut polih laluputan manut pasuara Desa.

Palet 7
Indik Dedosan Patedunan

Pawos 20

Dedosan patedunan, sangkepan, tedun makarya miwah sane siosan nganutin sukerta sowang-sowang, lwire :

- ha. Yan Desa madruwe patedunane, yogya nganggen sukertan desa sane kagaduh antuk prajuru Desa, tur dedosan ngaranjing ke Desa;
- na. Yan Banjar madruwe patedunane, yogya nganggen sukertan banjar sowang-sowang sane sampun kagaduh antuk banjar punika, dedosane ngaranjing ke Banjar;
- ca. Yan Subak miwah sekaa siosan madruwe patedunane, yogya nganggen sukertan sowang-sowang, sane sampun kagaduh antuk sekaa sowang-sowang, dedosane ngeranjing ke sekaa sowang-sowang;
- ra. Sapa sira hugi matilar sadurung puput karya, patedunan, sangkepan, patut krama inucap keni dedosan pateh sakadi krama sane tan tedun, sajawaning sampun polih lugraha saking prajurunya sowang-sowang;
- ka. Yan wenten krama tan tinut ring tatepasan miwah dedosan punika, wenang wicarane katengahang ke desa. Prajuru desa yogya maosin.

Palet 8
Indik Baya

Pawos 21

- (1) Sane kinucap Panca Baya luih ipun : jiwa baya, agni baya, toya baya, arta baya lan bayu baya.
- (2) Saluiring baya wenang kagegerang antuk suaran kulkul.
- (3) Sang sapa sira ugi krama desa ngamanggihin wiadin uning ring panangkaning baya, ring sang katiben baya, wenang ngegerang nepek kulkul manut indik kakulkulan baya, raris damyakang ring karma.
- (4) Rikala wenten suaran kulkul bulus tatenger baya, krama desa patut yatna, sayaga, saha sregep ngamong prabot wiadin gagawan sowang-sowang.

- (5) Yan sampun tatas ring baya punika, krama desa patut mapitulung manut ungguhan, utawi manut pituduh sang yogya ngawiwenang.
- (6) Sapa sira hugi tan dados majajabur utawi majajarah rikalaning krama desa katiben baya, yan mamurug keni pamidanda gung artha mapangangan beras 300 Kg. Yan mamandel kaaturang ring guru wisesa.
- (7) Yan pinangan baya punika sampun nahnah, tan pacang nyengkalen, wenang kacihnayang antuk suaran kulkul banban atuludan, wiadin pasiar saking sang ngawiwenang.

Palet 9
Indik Panyanggran Karya

Pawos 22

- (1) Saraja karyan banjar wenang kasanggra antuk krama banjar sowang-sowang, kaenter antuk Kelian Banjar.
- (2) Saraja karyan Desa kasanggra antuk krama Desa, kaenter antuk Prajuru Desa lan karemba antuk Kelian Banjar.

CATURTAS SARGAH
SUKERTA TATA PALEMAHAN

Palet 1
Indik Tegal, Bangket lan Karang

Pawos 23

- (1) Palemahan Desa mauger antuk Tri Mandala, inggih punika :
 - ha. Utama Mandala teges ipun palemahan sane kaanggen genah pura wiyadin parhyangan;
 - na. Madya Mandala teges ipun palemahan sane kaanggen karang paumahan, genah wawangunan makadi banjar, sekolahan, rumah sakit, kantor, miwah sane lianan;
 - ca. Nista Mandala teges ipun palemahan sane kaanggen setra, margi wiadin rurung, telabah, tulak tanggul, miwah sane siosan.
- (2) Sahananing palemahan sane wenten ring wawengkon Desa, patut madruwe babaledan wiadin wates sane pastika.

- (3) Bahananing palemahan punika uji mangda madruwe margi, rurung, papunduk utawi lisik sane dados kaentasia.
- (4) Yan wenten palemahan kabebeng tan madruwe margi, rurung miwah papunduk, sang madruwe patut ngatengahang babaose ka desa. Prajuru desa yogya negdeg, ngutsahayang mangda polih margi, malarapan sangkaning sami suka. Yan patut matumbas manut panggaran tanah sane kamanggehang antuk sang amawarat, sami kataur antuk sang mamuatang.
- (5) Yan desa pacang ngalinggahang utawi makarya margi, rurung desa, saking sampun ingkup pasuaran desa kalih sang madruwe tanahe, yan ngangge tegal, bangket miwah palemahan siosan, wenang tan naur panggaran tanah punika. Nanging yening madaging tetanduran, wawangunan saluire, desa patut ngicen prabeya, ageng alit prabeya punika manut pamutus parembug desa.
- (6) Bahananing karang paumahan, hugi mangda masengker. Pidabdab nyengker, magaleng kadulu. Panyengker sane sisi kangin miwah sisi kaler patut kakaryanin antuk sang ngenahin karang punika, sejaba karang ngele wiadin lingkehing rurung utawi palemahan suwung.
- (7) Sang sapa sira hugi ngenahin karang tegahan, patut naku, tegehne asukat natah dangsah, sane tebenan wenang nyusunin antuk tembok.
- (8) Telajakan karang patut kapiara antuk sang ngenahin karang punika sowang-sowang, mangda mapikenoh tur asri.
- (9) Sang sapa sira hugi nyadia nyeleksek saluwiring babaledan sekadi ; wates pura, karang pomahan, tegal, bangket, setra, telabah, jelinjing, margi, rurung, papunduk miwah sane sios-siosan, yogya katiwakang dandha manut werat ringan kaiwangane, saha ngantukang miwah mahayu sane kasleksek, kalih mrayascita sakabuatan sane nyandang katibanan panyangaskara. Indik negdeg wewatesan utawi bebaledan manut dresta.
- (10) Sang sapa sira hugi ngaletchin, ngarucakin, ngalikadin, ngararabin palemahan tan druwe, mekadi; ngutang lu hu, bangkaan, nyorogang babanyon miwah saluiripun, yogya katiwakin dandha gung arta manut pararem, tur mahayu sane kaletchan, saha mrayascita sane nyandang keni panyangaskara.
- (11) Sang sapa sira hugi tan maagama Hindu ngenahin palemahan sajeroning Desa, patut nganutin awig-awig miwah pasuaran Desa.
- (12) Sang sapa sira hugi krama Desa pacang ngadol, ngantahang, maselangang, majegang, makidihang palemahan sajeroning

wawidangan Desa mangda polih palugrahan Prajuru Desa. Yan wenten mabukti mamurug, indike punika patut keandegang.

Palet 2
Indik Kakayonan

Pawos 24

- (1) Ngawit nandur kakayonan tanem tuwuh sane wit ipun dados ageng, patut adepa agung utawi duang meter tengah ngajeroang saking wates. Prade jantos ngaliwat wates carang ipun, wenang kasepat gantungin saha rancapin.
- (2) Tan kalugra nebtob, ngerebah kakayonan ring palemahan padruwen desa yan tan polih palugrahan saking desa. Yan mamurug, katiwakin dandha manut pararem tur taru punika mantuk ka desa.
- (3) Yan wenten kakayonan ngungkulin palemahan anak sios, sane ngawinang tieb, tampias, ngalikadin, asing kungkulan wenang ngatengahang ke desa. Prajuru desa maritetes saha mituduhang sang madruwe kakayonan mangda ngerancap, nebtob wiadin ngarebah. Yan kantos ping tiga pituduh desane tan kalingu, wenang katiwakin dandha gung arta manut pararem. Kakayonan punika prasida karebah antuk desa picundangan.
- (4) Kakayonan sane pungkut ngarebahin wawangunan utawi padruwean krama siosan, sang ndruwenang kakayonan punika keni pamidanda manut pararem, saha mahayu sane karebahin.
- (5) Sang sapa sira nyadya ngarebah, notor kakayonan yan ngarusak padruwean krama siosan, keni pamidandha manut pararem saha mahayu sane karusakin.
- (6) Tanem tuwuh sajeroning karang pomahan, tan kalugra tegeh ipun lintangan ring jan palit solas utawi limang meter.
- (7) Yan wenten taru mentik kantos ageng ring saluiring babaledan muang wates, wenten ngatengahang ke desa, patut taru punika karebah, raris kaepah manut panglokika prajuru desa.
- (8) Sang sapa sira hugi pacang nebtobin kakayonan sane kasinanggeh mamayen, wenang kabaosang ring sang madruwe. Yan akas sang madruwe, yogya katengahang ke desa. Prajuru desa negdeg kakayonan punika. Yan manut panglokikan prajuru desa yogya kakayonan punika tebtobin, taler kantun akas sang madruwe, kakayonan punika patut sepat gantungin. Yan jati sekadi pasadoknyane, yogya sajeroning tigang dina kakayonan punika

karebah picundangan. Sang madruwe katiwakin dandha gung artha manut pararem. Yan tan yukti kadi pasadoke, sang ngatengahang katiwakin dandha gung artha manut pararem. Kakayonan punika tan karebah.

- (9) Sang sapa sira hugi nyadia nandur kakayonan sane pacang dados nyleksek babaledan, wates, papunduk, hugi mangda masupeksa ring prajuru desa, kalih ring penyanding sowang-sowang. Yan tan kalugra, tan kapisukayang, prade taler kapurug, yogya sang mamurug katiwakin dandha gung artha manut pararem tur kakayonan punika kapademang.
- (10) Sang sapa sira hugi nandur kakayonan sane tuwuh ipun panjang ring palemahan sasakapan, hugi mangda makarya pasobaya ring sang madruwe palemahan inucap. Yan durung pinganan mapikolih utawi muponin kakayonan punika pinih suwe limang palabuh, sajaba sangkaning kaiwangan panyakape raris kacabutin, yogya sang madruwe tegal naur penyala sawit-sawit, gung artha manut pararem.

Palet 3 Indik Wawangunan

Pawos 25

- (1) Sang sapa sira hugi krama Desa, yan pacang ngawangun panyenger karang pomahan, patut masupeksa ring panyandinge. Yan tan radin yogya nunas tatepasan ring prajuru desa. Prajuru desa nepasin sadu ajeng sang mawicara.
- (2) Palemahan sane madaging wawangunan saha sampun masanggih pawon sanistanya mapangulun karang tur sampun katiwakan pangupakaran karang, kabawos karang pomahan, patut madruwe rurung betel kamargi agung, sukat dados pacang ngalintangang sawa, dwaning tan kapatut nglintangang sawa ring palemahan siosan. Yan mamurug yogya prajuru desa niwakang tatepasan, mangda sang mamurug mrayascita palemahan inucap sane kalintangin.
- (3) Yan tan masanggih panguluning karang, kabawos akakubon. Tan yogya genah ngaraksa sawa. Yan mamurug yogya katiwakin pamidandha mangda mrayascita palemahan punika.
- (4) Sang sapa sira hugi pacang ngawangun wawangunan, hugi mangda wenten lekita palugrahan prajuru desa, kalih lekita palugrahan Guru Wisesa. Yan mamurug kabawos tan sida karya, tan wenang anggen tur wawangunan punika yogya kawangdeang.

- (5) Karang pomahan hugi nganutin Tri Mandala luwire Utama Mandhala inggih punika Sanggah Panguluning Karang, Madya Mandhala inggih punika genah pomahan lan Nista Madhala inggih punika lebuw utawi jabayan.
- (6) Tan wenang ngalintangang capcapan ka karang pomahan siosan tan druwe. Yan mamurug tur wenten ngatengahang ka desa, yogya prajuru desa nepasin. Yan jati ngalintangin, yogya sajeroning selae dina saking puput babawose mangda sampun kapastika tan ngalintang malih.
- (7) Tan wenang nganggen tembok tan druwe. Wenang ya kasambat sara antuk sang madruwe. Yan mamurug, sang kasambat sara yogya katengahang ka desa tur kabawosin antuk prajuru desa.
- (8) Sang sapa sira hugi pacang mapawangun nepi ring margi agung, nepi ring rurung desa, yogya mangda wenten lekita palugrahan saking prajuru desa, wiadin lekita palugrahan sang Amawarat. Yan mamurug, padgatakala wawangunan punika dados katundung tan ngetang prabeyan katundungan.
- (9) Sang sapa sira hugi krama desa ngawengku karang pomahan, yogya urati miara kaasrian lebuw pakarangannya lan rurung, pinih sor asukat karangnya ngalajur.
- (10) Sang sapa sira hugi pacang ngawangun wawangunan, patut mawaneng pinih sor arurung saking pura sane wenten ring sajeroning desa. Saha hugi mangda wenten lekita palugrahan saking Prajuru Desa.

**Palet 4
Indik Wawalungan**

Pawos 26

- (1) Sane kinucap wawalungan inggih punika sakancan buron suku pat lan suku kalih sane nyadia kapiara.
- (2) Sang sapa sira hugi krama desa sane miara wawalungan tan wenang ngalumbar.
- (3) Sakancan wawalungan sane mamayen utawi mabukti ngarucakin, wenang kasambat sara ring sang madruwe, yan akas sang madruwe wenang katengahang ka desa tur prajuru desa mamawosin.
- (4) Tan wenang ngangonang, negulang wawalungan ring palemahan tan druwe yan tan kapisukayang. Yan mamurug wenang kasambatsara.

Prade akas sang maduwe wawangunan, wening katengahan ka desa tur kabawosan antuk prapuru desa

- (5) Yan miera wawangunan saprining karang pamahan, hugi urati mratraksayang gnah pun mangla tan ngawruang baya, panyurukan, ngarutan, ngamarta. Yan mamurug wening kawambatawa minakali katengahan ka desa tur kabawosan antuk prapuru desa
- (6) Yan wening wawangunan tan nyadya katengah, ngawrujuga palumahan tan druw kikiante juga
- (7) Sang waga ura hugi ngawruh ulam ring palumahan tan druw, tan wening ngawruhan taha mawah batur ipun, tan wening ngawruh emperan, ngawruh mawaha. Yan mamurug, kawambatawa dandha mamah panglaha tur mawaha wana karwah.
- (8) Sang waga ura hugi tan kabaga mudi wawa palu mawah baturan ring saprining wawangunan Desa, ngawruhan wana kawambatawa mawaha urati puring mawruhan daging yudha. Yan mamurug, wening kawambatawa dandha pang uraha mamah lilita waha palumahan desa.

**PANCAMAS SANDAH
SUKERTA TATA AGAMA**

**Palet 1
Jadik Dewa Yadya**

**Kapting 1
Jadik Kabayangan**

Pawon 27

- (1) Para Pasah, Para Dala Agung, Para Dalem Dewa Agung, Para Tanggutan Dewa, Para Dalem Pandom, Para Dalem Pramarukan, Para Ulan Sawi, Prajapati Panguluhan Dewa, Palinggih ring Tutik Tanggul, Palinggih Ida Bhatara Melanting lan Palinggih Bedugul, antuk panggal-aci mamah dresta, gawaduhan para awang-awang.
- (2) Para Catur Lawa lawit
Ira. Para Dalem Catur kaompon antuk Banjar Palraman Tubjawa Kelak,
Ira. Para Penistaran Temaga kaompon antuk Banjar Palraman Temaga.

- ca. Pura Taman Laga Kauh kaempon antuk Banjar Pakraman Tohjiwa Kelod;
ra. Pura Taman Laga Kangin kaempon antuk Jro Mangku Warti.
- (3) Genah Pasucian Ida Bhatara luwire :
ha. Ring Panyampuan pasucian Ida Bhatara Kahyangan desa;
na. Ring Sempol pasucian Ida Bhatara Dalem Setra Agung lan Ida Bhatara Dalem Pendem;
ca. Ring Segara Klotok pasucian Ida Bhatara Kahyangan desa.
- (4) Mungguing papayon mwanng pangaci-aci kaempon antuk krama pangempon sowang-sowang.
- (5) Yan wenten karecehan utawi wicara sajeroning pangempon pura, wenang katengahang ka desa, prajuru desa mawosin, nyahsahang, nepasin wicarane, mangda kasidan mawali landuh.
- (6) Tan wenang nguwah nguwuhin wilangan Palinggih Bhatara, sane sampun wenten ring kahyangan sowang-sowang mangda kantun manggeh kadi mula.
- (7) Pura Taman Laga kauh mapemedal tunggal sareng pamedal Pura Puseh Tohjiwa.
- (8) Yan wenten Pura Kahyangan reneng pengaci-acine, kantos kedasa warsan, yogya prajuru desa maritetes, mawosin, ngutsahayang mangda kasidan mawali kadi jati mula. Prade tan kasidan antuk pamutus paruman desa, desa patut ngawangun upakara pamralina pura punika, mangda tan kaumahin antuk Ki Bhuta Kubandha.

Kaping 2 **Indik Pangaci-aci**

Pawos 28

- (1) Indik pangaci-aci ring Pura Kahyangan sane wenten sajeroning wawengkon Desa, kaempon antuk krama desa, manut emponan sowang-sowang, sajaba kaempon antuk krama desa sami. Sowang-sowang pura madruwe gagaduhan, pinaka uger-uger pangaci-aci miwah babanten.
- (2) Sane wenang muput aci-aci, pujawali, pangusabaan lan karya ageng ring kahyangan desa, wantah Ida Pedanda Siwa utawi Budha, sane katuhur antuk Prajuru desa.
- (3) Pamangku sane wenang nganteb ring Pura Kahyangan desa, wantah Pamangku sane kaadegang ring pura inucap.

- (4) Yening wenten pamangku lianan sane jagi ngayah ring Pura Kahyangan Desa, mangda masadok ring prajuru desa utawi ring pamangku pura inucap.
- (5) Ritatkala desa ngawangun karya ageng utawi karya siosan ring pura sawawengkon desa, dados nyarad pamangku kahyangan siosan pacang ngarombo manut pabuat.
- (6) Yening wenten pura sane durung madruwe pamangku utawi pamangkunya kapyalang, dados nyarad Pamangku Kahyangan siosan.

Pawos 29

- (1) Tigang raina sadurung Ida Bhatara ring Besakih pacang simpang katuran ayaban ring Pura Puseh Tohjiwa, Ida Bhatara Kahyangan Tiga katuran masucian ka Panyampuhan, kairing antuk Ida Bhatara Catur Lawa sareng sami raina sore. Benjang semengne Ida Bhatara Kahyangan Tiga taler kairing antuk Ida Bhatara Catur Lawa sami lunga masucian ka Segara Watu Klotok raris nyujur Pura Puseh tur katuran ayaban, wusan punika Ida Bhatara mawali ka pura sowang-sawang, saha nyejer kantos Ida Bhatara Besakih mawali ke Besakih.
- (2) Ritatkala Ida Bhatara ring Besakih pacang simpang katuran ayaban ring Pura Puseh Tohjiwa, Ida Bhatara Puseh lan Ida Bhatara ring Pura Tanggun Desa, mendak ring pateluan Sukahat saha matangguran Tabuh Bale Ganjur. Ritatkala Ida Bhatara ring Besakih mawali taler kairing antuk Ida Bhatara Puseh lan Ida Bhatara Tanggun Desa rauh ring pateluan Sukahat, saha matangguran tabuh Bale Ganjur.

Pawos 30

Aci-aci ring Pura Kahyangan luwire :

- ha. Ngusaba ring Pura Puseh, sanunggil Purnama sasih Kalima, Ida Bhatara Kahyangan Tiga miwah Ida Bhatara Catur Lawa, sami katuwur ka Pura Puseh;
- na. Piodalan ring Pura Dalem Pendem sanunggil Buda Wage Kulawu;
- ca. Piodalan ring Pura Puseh, Pura Bale Agung lan Pura Tanggun Desa sanunggil Redite Wage Kuningan utawi Ulihan;
- ra. Ngusaba ring Pura Dalem Setra Agung, piodalan ring Pura Dalem Penarukan lan Pura Prajapati sanunggil Purnama Kadasa;
- ka. Piodalan ring Pura Dalem Setra Agung sanunggil Soma Kliwon Kuningan utawi Pamacekan Agung;
- da. Upacara Paneduh Mrana kawastanin mulang ubad mapinunas ring Pura Ulun Suwi sasampune padewasan nandur pantun;

- ta. Aci Pangayu-ayu ring Pura Ulun Suwi lan Paneduh Pantun ring Pura Puseh, Pura Bale Agung, miwah Pura Dalem Setra Agung ritatkala pantune nirusang utawi beling;
- sa. Upacara Ngenteg Sari ring Pura Puseh, Bale Agung miwah ring Pura Ulun Suwi ritatkala pantune kuning;
- wa. Ida Bhatara Kahyangan Tiga kairing antuk Ida Bhatara Catur Lawa lunga malasti ka Pura Segara Watu Klotok, kalaksanayang limang warsa apisan ritatkala Tawur Kasanga;
- la. Rahinan satunggil Kajeng Kliwon, Purnama lan Tilem ring Kahyangan Tiga, kasanggra lan kaantebang antuk pamangku sowang-sowang, prabeyan ipun saking Desa;
- ma. Padagingan aci-aci malarapan antuk :
 - 1) Piturunan lan wawijilan krama desa;
 - 2) Pioli-oli pagunakayan desa; utawi
 - 3) Aturan sangkaning krama suka nirmala.
- ga. Ritatkala desane kabrebehan, kageringan, katiben panca baya, kawentenang aci paneduh, Ida Bhatara Kahyangan Desa katuran tedun mahyang-hyang ngiderin desa raris nyejer ring pempatan agung;
- ba. Ritatkala mahayu utawi ngayum papayon ring Pura Kahyangan, panganan tan puput rikalaning dina piodalan, pangacine wenang rangkadang, nanging padatengan lan pacanangane tan dados pegatang.

Kaping 3 Indik Pamangku

Pawos 31

- (1) Ring sowang-sowang kahyangan patut ngadegang Pamangku.
- (2) Pidabdab ngadegang pamangku inggih punika :
 - ha. ngambil saking saserodan sentana wiadin katurunan;
 - na. saking nyanjan sanistanya ping tiga utawi pawuwus;
 - ca. kasudi saha kabriukin antuk krama Desa.
- (3) Sane tan wenang kaadegang pamangku malarapan antuk saserodan utawi panyudian lwire :
 - ha. cedangga sane kabakta saking wau embas;
 - na. mabukti sungkan sungkanan;
 - ca. mabukti naen ngarug sasana, minakadi malaksana corah.
- (4) Sang sapa sira ugi krama desa pacang kaadegang pamangku, yan kari alaki rabi, yoga lanang istri mawinten ring pura genehe kaadegang. Mungguing prabea kasandangin antuk krama sowang-sowang pura inucap.

- (5) Pamangku patut madruwe hamongan pura sowang-sowang, yan tan madruwe hamongan pura, tan kalugra ngantebang babanten ring salwiring pura.
- (6) Yening Pamangku Kahyangan Desa katekan pati, yogya tiniwaken, patut polih patulung prabea atiwa-tiwa manut pararem, tur kakaryanang pangelad utawi pasengaukan antuk Desa utawi krama pura inucap. Punika yan pamangkune kari rajeg ngamong swadharmaning pamangku kantos hantaka.
- (7) Pioli-oli pamangku Desa lwire :
 ha. apah tigaan saking sarin canang;
 na. upon-upon palaba pura manut pararem;
 ca. kalapan;
 ra. luput pakaryan lan papeson;
 ka. minakadi siosan manut pamutus pararem desa.
- (8) Swadharmaning pamangku lwire :
 ha. ngenterang pujawali utawi piodalan miwah pangusabhan ring pura sowang-sowang;
 na. prade wenten pamangku kahyangan kapialang, kengin nyarad pamangku siosan sane wenten ring sajeroning Desa, malarapan palugrahan prajuru desa;
 ca. mangda pageh ngamel kalih ngalaksanayang sasanan pamangku.
- (9) Pamangku kagentosin majalaran antuk :
 ha. mapinunas mararyan saking patut pinunase, kawekas kalaning seda tan polih patulung prabea atiwa-tiwa;
 na. majalaran antuk lingsir, sampun tan mampuh, kajadayang antuk krama pura, wiadin desa, kawekas kalaning seda patut polih patulung prabea atiwa-tiwa;
 ca. sangkaning kahusanang, majalaran antuk malaksana mamurug sasanan pamangku, kawekas kalaning seda tan polih patulung prabea atiwa-tiwa.

Kaping 4
Indik Sukertan Pura Kahyangan

Pawos 32

- (1) Sane dados munggah tedun ring palinggih-palinggih pura kahyangan, wantah sane sampun polih palugrahan saking pamangku pura inucap minakadi palugrahan prajuru desa. Yan mamurug katiwakin dandha pamrayascita palinggih punika.

- (2) Pamangku sane patut ngantebang babanten ring pura wantah pamangku sane kadruwe antuk pura punika. Yan kapyalang, dados nyarad pamangku sajeroning Desa, malarapan palugrahan prajuru desa.
- (3) Sang sapa sira hugi tan dados mamisuh, mabaos pati kacuh, nguman-nguman ring sajeroning kahyangan wiadin pura. Yan mamurug keni dandha gung artha mapangargan beras 100 kg tur marayascita pura inucap manut pamutus pararem desa.
- (4) Sang sapa sira hugi tan kalugra malaksana ngantos ngawetuang byuta ring sajeroning kahyangan wiadin pura. Yan mamurug keni dandha gung artha mapangargan beras 200 kg kang sawiji tur marayascita pura inucap manut pamutus pararem desa.
- (5) Tan kalugra masumpah, macoran, sajeroning Pura Kahyangan sajaba sangkaning wicara pura inucap.
- (6) Sang sapa sira kacuntakan, yan durung mabersih, tan kalugra ngaranjing ka pura kahyangan. Yan katenger wenten mamurug, yogya katiwakan dandha marisudha kahyangan punika.
- (7) Tan kalugra ngawentenang jajuden ring sajeroning pura kahyangan. Yening wenten mamurug, sang ngalaksanayang katur ring sang amawarat tur jajuden punika kahusanang.
- (8) Tan kalugra makta salwiring sane kasinanggeh ngaletchin ring pura kahyangan. Yening wenten mamurug, yogya sang mamurug marisudha pura punika.
- (9) Sang sapa sira ugi rikalaning makemit ring pura kahyangan, tan kalugra merem madukan lanang istri, sajaba kapineh anak kari alit, durung yowana putra. Yan mamurug keni dandha gung artha pangargan beras 100 kilogram sadiri-diri tur mrayascita pura punika.
- (10) Pura Kahyangan tan wenang kaanggen genah ngalaksanayang upacara sane tan manut sastra agama Hindu ring Bali. Yening wenten mamurug, upacara punika kahusanang, sang ngalaksanayang katiwakin dandha gung artha pangargan beras 100 kilogram saha mrayascita pura inucap.
- (11) Sang sapa sira ugi katedunan utawi kapangluh sajeroning Pura Kahyangan, mabawos minangkenang pangandikan Ida Bhatara, ring gelis tunasang tirtha laluputan mangda prasida udep. Prade sasampun kaketisin tirta, kanton ngatemel sane ngawetuang sumendya kayun krama desane, irika patut pintonin. Indike mintonin, celebang tangan nyane makakalih ka toyane. Yan mabukti

tan belus, nyandang gega pangandikan Bhatara. Yan prade belus, tan nyandang gega, gelisang gingsirang tur katiwakin dandha gung artha pangargan beras 250 kg.

Kaping 5 **Indik Cuntaka miwah Sosot**

Pawos 33

- (1) Sang sapa sira ugi krama desa sane kahanan cuntaka, tan wenang ngaranjing ka pura kahyangan utawi saluiring genah sane kinucap suci pingit. Tan wenang ngaryanin saji sane pacang katur ka sanggar tawang, sakadi suci gening, minakadi banten saluir ipun sane jagi katur ka pura, miwah sane katur ring pitra pinda. Mungguing banten sane pacang katur ring Prajapati, Pura Dalem Panguluning Setra, dados karyanin ring umah sang cuntaka kalaning ngupakara sawa.
- (2) Sane kinucap cuntaka lwire :
 - ha. anak istri kalaning ngrajasewala, suwen cuntakane saking ngawit kantos nyat, macihna sampun mabersih utawi malukat;
 - na. sang nganten lanang istri, suwene cuntaka, ngawit saking dina pangantenane wiadin dina marangkate, kantos puput mabyakawon saha samayut prayascita malukat matirtha;
 - ca. rama rena cuntaka sangkaning madruwe oka, sane lanang cuntaka suwene saking embas anake alit, kantos kepus hodel nyane raris malukat, sane istri pinaka rena, cuntakane petang dasa kalih dina saking wawu embas rarene, raris mabersih malukat;
 - ra. Yan anak istri cuntaka sangkaning karuron, patch ring cuntaka ngembasang oka, sane lanang cuntaka tigang dina, saha sampun malukat.
- (3) Cuntaka malarapan antuk kasedayan utawi kapatyan :
 - ha. yening wenten anak istri seda kanton mobot, sang madruwe ~~wirangnya~~ cuntaka petang dasa kalih dina;
 - na. yening wenten anak alit seda durung kepus hodel, rama renanya cuntaka petang dasa kalih dina saking sedane;
 - ca. yan sang ngarepin, minakadi sang magenah sajeroning karang paumahan sang seda, suwene cuntaka saking wawu seda kantos puput pangelemek karyane. Macihna antuk marebu utawi malukat;
 - ra. sane polih ngarauhin, ngarap, ngamel sawa saha ngarembat saeteh-ete upakara pulapalining sawa, cuntakane adina. Punah cuntakane macihnayang antuk malukat;
 - ka. yening wenten pacang piodalan utawi ngusabha, sebel karang kamargiang saking ngawit negtegang daging kantos Ida Bhatara masineb. Yening wenten kasedayan, patut pendem salaku

- kingsan pamargine nyilib utawi wengi tur tan polih panyanggran banjar;
- da. sane polih nyumbah sawa, mangan paridan upakara sawa, taler kabawos cuntaka, suwene cuntaka kantos sasampun wusan malukat.
- (4) Cuntaka sangkaning malaksana mamitra ngalang, suwene cuntaka salamine mamitra ngalang.
 - (5) Anak embas sangkaning mamitra ngalang, utawi tan pawidhi widhana pawiwahan, punika taler cuntaka. Suwene cuntaka salamine durung wenten meras, wiadin nuduk ngangkenin pianak utawi nganggen dadaman.
 - (6) Cedangga sane kabakta saking wawu embas, punika tan wenang napak palemahan panyucian genah nyuci gening.
 - (7) Sang sapa sira hugi cuntaka antuk ngraksa sawa utawi layon, dados ngerauhin karya ayu atma wedana, minakadi mabakti ring sang wenang kabhaktinin, nanging tan wenang ngarap, ngarembat, nyuwun, ngamel, saupakara puspa lingga.
 - (8) Yening wenten anak istri, sangkaning tan meha ngraja sewala sasampun ring pura wiadin ring genah suci siosan, raris kacirenan, wenang ya tiwakin dandha tan meha, yogya marisudha genah punika, katulung antuk pangempon pura punika.
 - (9) Sang sapa sira hugi krama desa kacuntakan, napkala pagilih pagantosan pangaci-aci ring kahyangan, sadurung tugtug sengker cuntakanya, wenang tan tedun mayahan, tan dinosan, nanging mangda wenten pasadok ring prajuru. Yan sampun tutug cuntakanya patut neregteg yening kantun ngalantur patedunane. Mungguing paturunan wenang katur, nanging pawijilan padagingan nyane dados katur pungkuran, kahetang antuk pangarga.
 - (10) Yening cuntaka gamya gamana wenang katiwakin dandha mangda mrayascita raga, miwah mrascita desa, sane malaksana kapalasang.
 - (11) Cuntaka sangkaning mabukti salah timpal wenang katiwakin dandha mangda mrayascita raga, miwah desa mrayascita desa, baburon sane kaajak matemu semara kapademang tur katanem.
 - (12) Yening wenten anak istri mobot tan kapariangken antuk lanange, suwene cuntaka kantos wenten upacara panyangaskara utawi pawidhi widhana pawiwahan, nanging anake istri inucap kasandingin antuk keris pinaka pangentos sang lanang.

- (13) Yening wenten anak istri mobot kantos embas rarene tan kapariangken antuk lanange, suwene cuntaka kantos wenten upacara kulawisudha.
- (14) Yening wenten anak mabukti nyolong samara, cuntakane patch ring cuntaka gamya gamana.
- (15) Sang sapa sira hugi krama desa mamurug kadi ucaping ring harep, yening wenten ngatengahang ka desa, prajuru desa wenang mawosin saha niwakang pamidandha pamarisudha manut panglokika.

Pawos 34

- (1) Sang sapa sira hugi pacang naur sosot, gumanti sane patut nganggen pamegat sot, hugi kataur kalaning piodalan Bhatara. Sadurunge mangda masadok ring pamangku pura genah pacang naur sosot.
- (2) Sang sapa sira hugi pacang naur sasangi ngaturang pangodal, ugi mangda ring dina pagantosan piodalane, sang naur sasangi wenang nunas kanti pitulung karya ring pangempon pura punika saha nyukserahang daging cumek saprabeyaning pangodal.
- (3) Sang sapa sira hugi pacang naur sasangi maturan suaran tangguran saluiring tatabuhan, sasolahan minakadi saluiripun, mungguing prabea punika sami kahangganin antuk sang masasangi.
- (4) Ritatkala wenten naur sasangi, indik kalapan manut dresta.

Palet 2 Indik Rsi Yadnya

Pawos 35

- (1) Krama desa yogya ngawerdiang kapradnyanan, kautamaan Sang Hyang Aji, asewaka nunas pawarah ring sang maraga widagda pradnyan, pingajeng ring sang kasinanggeh guru loka.
- (2) Prajuru Desa ngutsahayang kawerdyan, kamuruban kautamaan sang Hyang Aji, ngawentenang pasangkepan utawi paruman, pinaka genah krama desa ngamangguhang pawarah-warrah ayu.
- (3) Sang sapa sira ugi krama desa yan mapikayun pacang mapodgala, mangda wenten pasadok ring prajuru desa, saha patut polih palugrahan saking Guru Wisesa.

- (4) Prajuru Desa mamatut pisan yening krama desane mapunia ring sang pradnyan, sang widagda, sang setata ngarajegang dharma, miwah ring Ida Sulinggih.

Palet 3
Indik Pitra Yadnya

Pawos 36

- (1) Pamargi ngupakara sawa manut sastra Agama Hindu lwire :
- ha. mapendem ring pertiwi;
 - na. makingsan ring geni;
 - ca. atiwa-tiwa, palebon utawi ngaben;
 - ra. yan rare hantaka utawi seda durung makupak untu, wenang ngangge pangentas bangbang masadhana klungah kelapa gading, ngaran ngaiungah, tan wenang tiniwaken;
 - ka. yan rare hantaka utawi seda durung kepus hodel, pamali ngaranya, wantah kapendem, tan wenten pangupakaranya, kewala ganten utawi hadem paican Ida Sulinggih genahang ring sawane.
- (2) Sang sapa sira ugi krama desa, tan dados makta sawa ka Desa yan sawa punika sampun keni pangupakara sawa. Yening mamurug, yogya katiwakin dandha, mrayascita desa.
- (3) Salwiring upacara atiwa-tiwa, palebon utawi ngaben hugi magenah ring setra, sajaba layon Ida Sulinggih. Yening mamurug wenang katiwakin dandha marisudha desa miwah dandha artha mapangarga beras 200 kilogram.
- (4) Sang sapa sira hugi krama desa ngurung sawa, macamana mabersih kawenanganya, tan kalugra lintangan ring asasih ngawit saking dina sedane. Yan kalaning ngurung sawa ring desa raris kawangunan karya agung kantos nyuci gening, lwire matabuh gentuh, Bhatara turun kabeh, karya agung ring Besakih, yogya tumpang salune tedunang, genahang ring natah umahe, saking Bhatara kaodal kantos Bhatara masineb.
- (5) Tan wenang nyekeh sawa yan tan macamana, mabersih, lintangan ring roras dina, ngawit saking dina sedane. Yening wenten mamurug keni dandha gung artha mapangangan beras 50 kilogram saha mrayascita desa.
- (6) Sang sapa sira ugi krama desa, tan wenang atiwa-tiwa ritatkala pangaci-acian lwire :
- ha. yan piodalan ring Pura Puseh, Pura Bale Agung, miwah Pura Dalem, saking nigangdinayang aci kantos puput;

na. yan karyane metabuh gentuh, Bhatara turun kabeh, minakadi salwiring karya sane nyuci gening, saking ngawit nyuci ngantos Bhatara masineb;

ca. yan Bhatara ring Pura Puseh nyejer, Bhatara ring Besakih simpang ring Pura Puseh, kantos Ida Bhatara ring Besakih mawali.

Yening mamurug kadi kecaping ring ajcng, keni dandha gung artha pangargan beras 50 kilogram miwah mrayascita desa.

(7) Yening wenten krama mendem sawa kalaning dina larangan, kawasa, nanging ugi masawen, durung magumuk, laku kingsan ngaran, sasampun polih palugrahan saking prajuru desa.

(8) Yening makingsan ring geni, hasti hinanyut manut dresta. Yogya nganggen tirta pabersihan, mungging dewasa satoripun dados marginin mendem sawa.

(9) Indik padewasan :

ha. yening wenten krama sane madruwe kasedaan, patut masadok ring Bendesa;

na. padewasan makingsan ring geni utawi mendem ring pertiwi, wenang katiwakang antuk Bendesa;

ca. padewasan atiwa-tiwa katiwakang antuk Ida Sulinggih sane muput, sane sampun kapatut antuk prajuru Desa;

ra. indik larangan ngupakara sawa, sajaba ngunggahang ka tumpang salu, Iwuire Semut Sedulur, Kala Gotongan, Kala Pepedan, Ingkel Wong, Naganaut, Pasah, Purwani, Purnama, Tilem. Yening mamurug keni dandha gung artha pangargan beras 50 kilogram, saha mrayascita desa;

ka. mendem sawa utawi makingsan ring geni tan kadadosang sadurung lintang tajeg surya;

da. mendem sawa tan kadadosang ritatkala wenten krama Desa sane nanging sawa utawi ngebet, nanging makingsan kedadosang;

ta. sang sapa sira ugi jaga mendem utawi atiwa-tiwa, sajeroning setra, lintang ring adiri kalaning dewasa tunggil mangda sinarengan mamargi;

sa. tan wenang ngagah ngulung, tegesipun sajeroning setra tunggil, ten dados mresihin sawa, nuju dina pangutangan yan ring setra punika wenten ngalaksanayang pengabenan. Yening mamurug, keni dandha gung artha pangargan beras 50 kilogram saha mrayascita desa.

10) Tan dados nguwuk utawi ngebet sawa sadina-dina, tegesipun sajeroning setra tunggil. Yening wenten ngaben lintangan ring adiri, nyawa preteka, nyawa prenawa, sang pacang nyawa prenawa patut nguwuk sawa sinarengan ring sang pacang mreteka sawa ring setra. Yening wenten mamurug dandha gung artha manut pangargan beras 50 kilogram saha mrayascita desa.

- (11) Yening wenten sawa tan kapariangken ring wawengkon Desa, mawasta bedagan desa, wenang pendem ring setra pangilang-ilangan, sasampun polih lugraha saking sang amawarat.
- (12) Sawa sangkaning salah pati utawi ngulah pati dados kaabenang dadakan, saha sampun polih palugrahaan prajuru desa, miwah Ida Sulinggih sane pacang muput.
- (13) Yening wenten sawa genahe seda luaring karang pomahan, lwire ring tegal, carik, pura, pasar, banjar, sekolahan, minakadi genah siosan, genahe punika patut kaprayascita antuk sang madruwe wirange. Yening sawa tan kapariangken, genahe punika kaprayascita antuk sang nuwenang hemponan.
- (14) Prade wenten krama desa sane seda ring luaring paumahanya, kawenangang kulawarganya makta sawa punika kapaumahanya.
- (15) Krama desa dados ngamargiang pangabenan ngerit utawi masikian manut dresta.
- (16) Sapa sira hugi tan krama desa, yan ngaben matempung sareng krama desa keni penanjung batu sowang-sowang sawa gung artha pangargan beras 10 kg.
- (17) Pidabdab siosan sane patut katinutin rikala mreteka sawa, lwire :
 ha. prade ngraksa sawa, patut katitenin mangda tan ngawetuang reged utawi panyungkan;
 na. tan kalugra nginepang utawi ngawangdeang bangbang ring setra. Sang mamurug wenang kadandha sapangargan beras 50 kilogram saha panyangaskara;
 ca. tan kalugra mekajang sawa, sajeroning setra tunggal, Yening mamurug keni dandha pangargan beras 50 kilogram;
 ra. ritatkala merteka utawi makta sawa miwah eteh-ete sang seda ka setra, mangda trepti. Yening mamurug wenang keni dandha pangargan beras 50 kilogram niri-niri, saha ngawaliang saprebean upakara sane karusak.
- (18) Mungguing patus miwah panyanggran krama kapidabdabin tur kalaksanayang manut dresta banjar sowang-sowang.
- (19) Sapa sira hugi yening tan krama desa, tan dados ngalaksanayang panca yadnya ring sawawengkon desa.

Pawos 37

Indik Angatma Wedana lwire :

- ha. Sang sapa sira **ugi** krama Desa rikalaning angatma wedana tan wenang ngawangunang payadnyan, petak, ring palemahan Pura Kahyangan;
- na. Sang sapa sira **ugi** wusan ngawangun karya angatma wedana, yogya karang payadnyan punika kapralina, sakasepipun petang dasa kalih dina saking dina **karyane**.

Palet 4 Indik Manusa Yadnya

Pawos 38

- (1) Krama desa tan **wenang** ngawangunang salwiring upakara manusa yadnya ring wawidangan palemahan kahyangan desa. Yening wenten mamurug wenang katiwakin dandha marayascita pura punika.
- (2) Manusa yadnya **kamargiang** manut dresta.

Palet 5 Indik Bhuta Yadnya

Pawos 39

- (1) Pacaruan sane **kamargiang** ring Desa lwire :
 - ha. pacaruan desa sada kala;
 - na. pacaruan desa padgatakala, ritatkala jagate katiben panca baya;
 - ca. pacaruan manut unguwan saha sakabuwatan.
- (2) Pacaruan ring pura-pura kahyangan, manut dresta pura sowang-sowang.
- (3) Pacaruan ring sowang-sowang banjar pakraman, **kamargiang** kalaning Kajeng Kliwon Sasih Karo.
- (4) Pacaruan kalaning Tilem Kasanga magenah ring Catus Pata Tanggun Desa, manut dresta.

**SAD SARGAH
SUKERTA TATA PAWONGAN**

**Palet 1
Indik Rangkat**

Pawos 40

- (1) Rangkat punika kamargiang manut dresta, tan singsal ring uger-uger panegara luire :
ha. papadikan;
na. marangkat utawi ngarorod;
ca. nyentana utawi nyeburin;
ra. Pamargi siosan manut dresta.
- (2) Rangkat punika kasinanggeh puput palikrama yan sampun mawidi widana pawiwahan sanistanya mabyakaon tur kasaksinin antuk prajuru desa.
- (3) Yening wenten anak istri krama desa matinggal tur kaajak antuk anak lanang tan masadok ring wirangnya, yan kantos araina ring awengi saking dina matinggale, yogya sang madruwe wirange nunas kanti ring sang amawarat.
- (4) Yening wenten krama desa marangkat kantun kasumandangsayain, wirangnya patut masadok ring prajuru desa, mangda ngamargiang panegdeg saha nunas kanti ring sang amawarat.
- (5) Sang sapa sira ugi praya masinutan malarapan antuk ngarorod, ugi mangda masadok ring prajuru desa, yogya prajuru desa maritetes. Yan sangkaning tan patut pamargin rangkatnya, prajuru desa nguduhang mangda katur ring sang amawarat. Yening mamurug, yogya sang mamurug dandha gung artha manut pararem.
- (6) Sang sapa sira hugi krama Desa, ngamet anak istri antuk mlegandang, marikosa miwah salwiripun sane tan nganutin tata krama, tan wenang kapuput widi widhana pawiwahanya sadurung wenten pamutus saking Guru Wisesa.
- (7) Sang sapa sira hugi saking dura desa, pacang muput rangkat ring sawawengkon Desa, sang madruwe wirang predana yogya nunas upasaksi ring prajuru Desa.
- (8) Rikala ngamargiang pajati, patut duta inucap ngangge busana adat saha cihna antuk lampu utawi bobok ritatkala wengi, pamarginipun tan kasepan ring awengi tur akeh duta punika tan kirang ring kalih diri.

- (9) Sang sapa sira hugi krama desa pacang marabian sareng anak tan magama Hindu, sadurung pawidi widhanan patut karihinin antuk ngamargiang **sudi wadani**.
- (10) Sang sapa sira hugi krama desa pacang ngamargiang pawiwahan nyeburin utawi nyentana, ugi nginutin pamargi manut dresta.

Pawos 41

Yening wenten anak istri mobot sadurung alaki rabi, wirangnya patut digelis masadok ring prajuru desa. Prajuru desa patut mawosin wicara punika. Indik pidabdabe sakadi ring sor :

- ha. yening sang mobotin kantong truna tur tan tempal ring daging uger- uger panegara, kaaptiang mangda sang kalih raris majangkepan alaki rabi, yan tan tinut kaaturang wicarane ring sang amawarat;
- na. yan sinalih tunggil sampun alaki rabi, wicaranya katur ring sang amawarat.

Palet 2 Indik Nyapihan

Pawos 42

- (1) Sane kabawos nyapihan inggih punika sang palas marabi utawi palas makurenan, sane sampun katiwakan pamutus antuk Guru Wisesa minakadi sampun kakerabang ring sangkepan Desa.
- (2) Sang sapa sira hugi krama desa ngarangkatang nyapihan, tan patut sadurung mawaneng tigang sasih utawi 105 dina saking palase. Yan mamurug keni dandha pakerang gung artha manut pararem.
- (3) Sang sapa sira hugi anak istri krama desa nyapihan, mawali ka wirangnya, patut wirangnya matur supeksa ring prajuru desa, saha mrayascita anak istri punika. Yan tan kaprayascita, durung kasinanggeh nirmala.

Palet 3 Indik Balu

Pawos 43

- (1) Sane kabawos balu inggih punika anak istri utawi lanang sane katinggal seda antuk rabine.
- (2) Yening wenten krama desa istri balu kantong pageh raris marangkat, yogya rangkat punika kapuputang antuk wirang lakine.

- (3) Mungguing wawanengan babalon istri, ring indik warisan, minakadi sane sios-siosan, nganutin uger-uger sane karajegang antuk Guru Wisesa.

Palet 4
Indik Santana

Pawos 44

- (1) Sajeroning Desa ngarajegang pidabdab santana kapurusa utawi santana paperasan.
- (2) Sang sapa sira hugi Krama Desa meras santana, makidihang utawi nyerahang raga, yoga sangkaning sami radin manut dresta, saha polih palugrahan saking Guru Wisesa.
- (3) Meras santana kengin iangkung ring adiri lanang utawi istri.

Palet 5
Indik Warisan

Pawos 45

- (1) Warisan inggih punika sahananing artha brana, ayah-ayahan miwah sane siosan maka sarana ngupadi kasukertan sekala niskala.
- (2) Warisan sane wenang kawarisin lwire :
ha. Among-amongan ring desa, ayah-ayahan saurah-arih;
na. Utang-piutang;
ca. Saraja druwe.
- (3) Sane wenang ngawaris inggih punika :
ha. Pratisentana;
na. Sentana Paperasan;
ca. Manut lalintih papernahan;
ra. Sangkaning polih pitemes saking sang ngawarisang, sang madruwe saluir sane dados kawarisang saking palugrahan Guru Wisesa, maka pioli-oli pagunakaya.
- (4) Sang sapa sira hugi krama Desa, yan tilar saking Agama Hindu, tan yoga ngawaris sane kamulan patut kawarisin.
- (5) Ngedum warisan kapatut sasampun puput kaabenang sang ngawirisang brana kalih kasugihan. Sane tan dados dum lwire sane mangge padagingan pangaci-aci, minakadi saluiring sane mangge piranti ngalaksanayang upacara agama, pustaka-pustaka sane kapingitang saluir ipun.

- (6) Sane patut polih pah-pahan warisan pamupon lwire :
 ha. Deha, mulih deha utawi sang pecak nyeburin mulih teruna;
 na. Balu luh sane kantun pagh ngamanggehang swadharmaning
 balu.
- (7) Rikala kantun mahurip sang madruwe, dados mapaweweh utawi
 mapaica ring santana istri sane kesah marabian marupa jiwa dana
 utawi bekel tatatadan.

**SAPTHAMAS SARGAH
 WICARA LAN PAMIDANDHA**

**Palet 1
 Indik Wicara**

Pawos 46

- (1) Salwiring wicara indik pakraman wenang kabawosin antuk desa. Yan
 tan kasidan puput, prajuru desa ngaturang ring Guru Wisesa.
- (2) Yening wicara indik pakraman ring banjar, miwah sakaa siosan,
 yogya kabawosin antuk prajuru sowang-sowang.
- (3) Yening pamutus wicara sane katiwakang antuk Desa tan katinutin
 utawi tan kairing antuk sang mawicara, wenang sang mawicara
 nunasang pangraos ring sang patut mamaosin utawi ring Guru
 wisesa.
- (4) Yening sang mawicara taler tan tinyt ring pamutus wicara sane
 katiwakang inucap ring ajeng, prasida sang mawicara tan polih
 panyanggran banjar, desa, minakadi tan dados nganggen
 sapadruwen desa.

**Palet 2
 Indik Pamidandha**

Pawos 47

- (1) Pamidandha sane wenang katiwakang antuk prajuru desa, banjar,
 utawi sakaa siosan lwire :
 ha. artha;
 na. upasaksi, dewa saksi, pangrarata;
 ca. panyangaskara lwire mrayascita, marisudha miwah saluiripun;
 ra. kasepekang;
 ka. kaheladang;
 da. dandha siosan manut palugrahan Guru Wisesa.

- (2) Tatiwak pamidandha manut ungguhan wicarane sowang-sowang minakadi werat ringan wicara inucap lwire :
 - ha. yening wicara ring desa, yoga kapidandha antuk desa, mungging dadandhan mantuk ka desa;
 - na. yening wicara ring banjar miwah sekaa siosan, katiwakin pamidandha tur dadandhan mantuk ka banjar utawi sekaa punika.
- (3) Agung alit dadandhan, manut panglokika tur werat ringan kasisipane sane mungging ring awig-awig utawi pararem sowang-sowang.
- (4) Sang sapa sira hugi krama desa tan nawur paturunan kantos puput pangaci-acine keni dandha panikel. Yan mamurug wenang karampag, indik pangarampage manut pararem.
- (5) Sang sapa sira hugi krama desa tan naur dadandhan kantos lintang ring asangkepan keni dandha panikel. Yan mamurug wenang karampag, indik pangarampage manut pararem.
- (6) Tan kawenang ngarampag arta brana sane kainggilang manut agama miwah sane mawesana mademang pangupa jiwana sang karampag.
- (7) Pamidandha kadi kocaping ajeng kasinanggeh purna buntas, yening sang sisip sampun :
 - ha. nawur buntas pamidandha panguwak pasuara duk pacang karampag;
 - na. nunas geng rena sinampura ring krama sajeroning paruman desa, banjar, miwah sekaa sowang-sowang.

**ASTAMAS SARGAH
NGUWAH NGUWUHIN AWIG-AWIG**

Pawos 48

- (1) Sane wenang nguwah-nguwuhin awig-awig inggih punika : pasukertan, pasuara, pararem miwah sapanunggilanipun.
- (2) Indik nguwah-nguwuhin pasukertan, pasuara, pararem miwah sapanunggilanipun, manut tata kramaning paruman.
- (3) Pamutus babawos prasida kamanghehang, yening sampun madasar antuk kayun gilik saguluk, utawi madasar antuk pawilangan suara.
- (4) Prade pamutuse madasar antuk pawilangan suara, patut nganutin gaguat sakadi ring sor :

- ha. katah krama sane parum kalih pah tiga saking piguman krama sami;
- na. pawilangan suara sane nganutin langkungan ring asigar saking katah krama sane parum.

- (5) Pidabdab indik pacang nguwah-nguwuhin awig-awig, pasukertan, pasuara, pararem miwah sapanunggilan ipun, kengin kamedalang antuk Prajuru Desa utawi saking krama ndiri-ndiri.

**NAWAMAS SARGAH
PAMUPUT**

Pawos 49

- (1) Awig-awig puniki kawastanin Awig-Awig Desa Pakraman Tohjiwa.
- (2) Awig-awig puniki pinaka bantang sahananing awig-awig, pasukertan, pasuara, pararem miwah sapanunggilan ipun sane mangge ring banjar miwah sekaa siosan.
- (3) Banjar, kahyangan miwah sekaa siosan, wenang ngawangunang awig-awig, pasukertan, pasuara, pararem, gagaduhan sowang-sawang, nanging daging ipun tan yogya singsal utawi tungkas ring awig-awig Desa.
- (4) Saluwiring sane durung munggah ring awig-awig puniki, kaunggang sajeroning pasuara, pararem Desa.
- (5) Dresta sane kantun dados angge, yening tan tungkas ring daging awig-awig Desa, manut kojaring sastra Agama Hindu, anut ring uger-uger Nagara, saha kaputusan sajeroing paruman Desa.
- (6) Awig-awig Desa Pakraman Tohjiwa, kawangun antuk krama Desa Pakraman Tohjiwa, kapastika manut Upacara Agama Hindu, kala dina Wuku..... Tanggal utawi Pangiong Ping..... Rah..... Tenggek..... Isaka.....magenah ring Pura Puseh Desa Pakraman Tohjiwa, Kapuput antuk Ida Pedanda Saking Gria
- (7) Awig-awig puniki kalinggatanin antuk Prajuru Desa, Pemaden, Panyarikan, juru Raksa, lan kasaksinin antuk Kerta Desa, Keliang Banjar Dinas Tohjiwa, Perbekel Desa Kerta Buana, Camat Sidemen, kakukuhang antuk Bupati Karangasem.
- (8) Awig-awig puniki kalaksanayang ngawit dina kaplaspas kantos salantur ipun.

(9) Luir Sang ngalingga tanganin :

ha. Prajuru Desa:

Bendesa/Keliang Desa Pakraman,

Pamaden Desa,

.....

.....

na. Maka Saksi-saksi:

Manggala Kerta Desa,

Keliang Banjar Dinas Tohjiwa,

.....

.....

Perbekel Desa Kerta Buana,

Camat Sidemen,

.....

.....

ca. Kalekitayang ring Kantor Bupati Karangasem

duk raina.....tanggal.....masehi.....

Register Nomor:

Bupati Karangasem,

.....